

Kakkobaik Baamle Ko Bwe Ren Päd Ippän Doon:  
 Jerbal Ko An Jine/Jemä ro rej alal/kakkoñ (*foster Parent*) Ajiri Ro Nukuier Ak Rikarejaraer

[Wäween ko ñan imweo imöm bwe en erom juon mwön alal/kakkoñ \(foster\) Ajiri Ilo Juon Kütien Eo Ekadu.](#)

Opiij eo an DHS Division of Children and Family Services (DCFS) eo ej loloorjake ajiri im baamle ko ej tömak ke elap an aurök bwe baamle ko ren koba ippän doon. Opiij in an DCFS ekönaan bwe ro nukwi im rikarejar ro ren maroñ kepaake im loe ajiri ro emöj an kar DCFS böke er jen baamle ko. Melele in "**Rikarejar**" rej armij ro rejab nukun ajiri eo kin botoktok ak mare, bötaab rej ro rekajoor iakwe ippeir im emmön jemjerä eo aer ippän ajiri eo, einwöt rikaki ro, *godparent* eo, ak ro möttan baamle eo an ajiri eo. Juon wäween eo ro nukwi ak rikarejar ro remaroñ jipañ im bök kuñaer ej ilo aer maroñ kömman bwe jikin jokwe ko aer ren jejjet pelaakier ekar ñan karök ko bwe imöko imöer ren erom jikin alal/kakkoñ ajiri iumin juon kütien eo ekadu, im köjatdikdik bwe kien en kab jujen wöt kömälimi bwe imöko imwöer ren maroñ kakkoñ/alal ajiri rein nukueir im karejaraer.

An juon nukwi köttok bwe jikin jokwe eo an en erom imön alal/kakkoñ ajiri, enej kömman bwe opij eo an DCFS en maroñ mökaj aer doore ajiri eo ippän eo nukun, eo ewör an iakwe ñan ajiri eo kadede. Ri-alal (*foster*) ro im rej kakkoñ ajiri ro ilo juon köta eo ekadu reban kömökaj aer kömälim er bwe ren erom ri-alal ro rej alal/kakkoñ ajiri ilo kütien aetok ko. Enej wör jiljino (6) allön leļok ñan er bwe ren kömadmad pepa im jermal ko ñan aer maroñ kömälimi jikin jokwe eo aer, bötaab ewör jet kain wäween ko rej aikuj kömmani mokta.



Kein kajuon, eo nukwi ak ri karejar eo an ajiri in ej aikuj erre eo etan (*background check*) ilo töre eo rej jääke etan. Ewör juon eo jen opij eo an DCFS enaj etale etam älikin am naj jaini pepa eo ñan kömälimi opij in bwe en jääke etam.

Kein karuo, opij eo an DCFS enaj aikuj jääke im etale jikin jokwe eo am. Melelein ke juon rijipañ (*resource worker*) jen opij eo an DCFS enaj iwoj ñan imweo imöm. Rijipañ in enaj jääke im etale jikin jokwe eo im kalikar ñe mweo imöm eweppen ñan an ajiri eo jokwe ie, im ejejjet ñan ruul ko an imwön ri-alal/ri-kakkoñ (*foster home*) ajiri. Ruul kein rej abönen wäween ko bwe en maroñ töprak laijen (*licensing*) eo am. Jet waanjoñok ko renej etale:

- Kein kareo ko, kein manman kulul im kinal ko (paijin ko), kiaj ko, tuuļ ko rekauwotata, bakbok ko, ak jadbrewöt men ko rekauwötata im rej aikuj päd ijoko epen aer maroñ töpari, ak rej aikuj laki ilo köbat ko ak ekeikak ko.
- Aolep bu ko rej aikuj ejejļok joot ie; doori ilo juon jikin eo emöj laki; im kajeñoloki jen joot ko.
- Ej aikuj wör juon täääñ in iukkun kijeek ilo turin jikin kömat eo.

Ñan juon laajrak in aolepen ruul ko an juon imön alal/kakkoñ (**foster home**) ajiri, *jouj im kajitök ippän rijipañ eo an opij eo an DCFS.*

Armij ro renej erom jine-jemä ñan alal/kakkoñ (*foster parents*) ajiri eo ej nukier ak ri karejaraer makmake remaroñ jab loore ak kajejjete aolepen ruul in laijen ko. Ewör jet iien jet kain ruul ko ri-alal/ri-kakkoñ ajiri eo emaroñ jab loori, men eo wöt ñe aer jab loori ruul kein reban jelöte ajiri eo ilo jorääñ. Wanjoñak, ilo iumin kakkien, imön ri-alal (*foster home*) eo ej aikuj wör juon ruum in kiki an ajiri im ejab aikuj dikļok jen 50 ne rebakbak in. Elaññe eo nukwin ak ri karejeran ajiri in ewör juon ruum in kiki ilo imweo imön ak 45 ne rebakbak in, innem emaroñ wör juon oktak eo im enaj körļok bwe en wönmanļok aer köjermal ruum in kinke ejejļok jorääñ emaroñ waļok ñan ajiri eo jekdoon ñe edik ruum in.

Jet iian wäween ko opij eo an DCFS emaroñ bar etale mokta jen kömälimi bwe juon em en maroñ alal/kakkoñ ajiri ilo iumin juon kötaan eo ekadu, bötaab ejjab edde kein rej elajrak ijin:

- En möman im koñ jemjera ilo imweo
- Jökjök in äjmour im lemnak ko an armij ro
- Uñ kipiden mweo
- Ewör wa

Elaññe aolepen abnön wäween kein rejjjet ilo jikin jokwe eo am, im karok eo enej mömantata ñan ajiri eo bwe en jokwe ippäm, innem remaroñ kotļok bwe jikin jokwe eo am en juon imön alal/kakkoñ ajiri eo nukum ak rikarejeram. Bötaab kien **eban** maroñ kömälimi eok bwe kwön alal/kakkoñ e ajiri ro jet.

Einwöt am alal/kakkoñ ajiri eo ilo mweo imwöm iumin

juon kütien eo ekadu, kwöban ebök jääñ jen DCFS wönean am lale ajiri eo nukum ak rikarejeram. Bötaab, ajiri in enaj wör an joortoklik (*insurance*) ñan jikin taktö ko. Opiij eo an DCFS emaroñ jipañ eok ikijjien kapok jikin waje/kaajiririki ajiri eo ilo raan (*daycare*) elaññe ekkar ilo iien aikuj.

Ilo iien eo im jikin jokwe eo am enej erom mwōn alal/kakkoṅ ajiri, ajiri in ej pād wōt iumin pein im pepe ko an DCFS. Kwōnej aikuj loor aolep kakien ko an imōn ekajet ko. Rijerbale keej (*caseworker*) eo an ajiri eo enej lowaj ajiri eo juon allen ilo juon wiik ilo allōñ eo jinointata, im diktata juon katōn an nej lowaj ajiri eo ālikin allōñ eo kein kajuon. Enaj lolorjake im lale bwe ajiri eo en mōman an pād, ej jikuul im ej etal ñan iien taktō ko an, im aikuj ko an ren tōprak. Elaññe imōn ekajet eo enej kōtḷok, ajiri eo emaroñ nej loḷok jinen im jemen. Rijipañ (*resource worker*) eo enaj bar iwōj ñan jikin jokwe eo am im jipañ eok kin wāween ko ñan kawepene jikin jokwe eo am bwe en maroñ erom juon mōn alal/kakkoṅ ajiri.

#### Ñan erom juon mōn alal/kakkoṅ (foster) Ajiri Ilo Juon Kūtien Eo Ekadu.

Ālikin aer kotḷok bwe jikin jokwe eo am en maroñ erom juon mōn alal/kakkoṅ ajiri, ewōr jiljino allōñ jen raan eo rar doore ajiri eo nukum ak rikarejeram ilo imweo imōm bwe kwōn maroñ kadedeikḷok aolepen jermal ko rekka ñan an imweo imōm erom jikin alal/kakkoṅ ajiri.

Ñan aer maroñ kawepene eok kwōj aikuj:

- kadedeikḷok jāāk im etale eo an FBI (renej bōke annañin/jeṅokan addi (*fingerprint*) in peim)
- kōmman jabdrewōt oktak eo ilo jikin jokwe eo am ekkar ñan ruul/kakien ko
- bōk kilaa in ekatak ko an jine-jemā ak ri-alal (*foster parent*) ro (kwonaj aikuj tarin 30 awa in kilaa, ekkā an bōk emaroñ kotaan 4 ñan 9 wiik ñan kadedeikḷok kilaa kein)
- bōk kilaa in laijen ko ñan CPR im First Aid
- kadedeikḷok juon ekatak ikijien *SAFE home* ñan ekatak kilen katiljeke imweo imōm

Ekatak in ṅae etan "*SAFE home*" im kenono kake itulon ewōr buñtōn ko renej itok ippān. Enaj wōr ruo joñak (*survey*) nej lewaj ñan kwe bwe kwōn uwaaki. Kwōnej uwaaki pepa kein ruo kōjerali einwōt kein joñak ilo ruo iien ko reotak jen doon. Enaj wōr juon armij eo enaj iwōj ñan jikin jokwe eo am jen iien ñan iien (ekkā an nej rikaki eo an kilaa eo an ri-alal ro nej iwōj ippām). Armij in enaj kenono ippām kin mour eo am jen ke kwar dik im dūttoḷok, im kajitōk ippām kin wāween am lōmnak kin kilen am naj lale ajiri eo emōj door ippam, im bar melele ko jet. Armij in enaj kōjeral melele ko jen pepa in joñak (*survey*) ko kobaḷok ippān kenono ko amiro ñan jeiki ripoot in etale eo an imweo imōm (*home study*).

Ālikin an dedelok aolepen wāween kein, opij eo an DCFS enaj kalikar waj ñe enej kōmālim imweo imōm. Kemejmej bwe rej lewaj jiljino (6) wōt am allōñ ñan kadedelok aolepen wāween kein im rej elajrak iumin taitōl eo itulon "Wāween ko ñan mweo imōm bwe en erom juon mwōn alal/kakkoṅ (foster) Ajiri Ilo Juon Kūtien Eo Ekadu." Elaññe kwōjab kadedeikḷok aolep wāween kein iumin jiljino (6) allōñ ko kar lewaj ñan kwe, kakien ko rej ba ke ajiri eo ej aikuj emakūt jen imweo imōm.

Kwōmaroñ likūt ke elukkun aetok jiljino allōñ, bōtaab enaj kanoj mokaj! Kenono ippān rijerbal ro an DCFS aolep iien ñan am lolorjake bwe en dedeḷok im jejjot aolepen jermal ko.

#### Jermal einwōt juon imōn ri-alal/kakkoṅ ajiri eo emoj kōmālimi im kawepene

Elaññee emōj kawepene jikin jokwe eo am einwōt juon imōn alal/kakkoṅ ajiri, kwōmaroñ bōk juon kōllā ak jāān aolep allōñ ñan jipañ lale ajiri in. Jāān in ekkā an kōtaan \$410 - \$500 ekkar ñan joñan iio eo an ajiri eo.



Ilo iien eo emōj kawepene jikin jokwe eo am einwōt juon imōn alal/kakkoṅ ajiri, ejnej mō wōt am lale ajiri ro jet ijelokin wōt ajiri ro nukwim im rikarejeram. Kwōnaj wōnmanḷok wōt im lale ajiri ro nukum ak rikarejeram mae iien eo emaroñ rool ñan imweo imōn make ak ñan juon bar jikin eo im enaj to kūtien an pād ie, kōjatdikdik eo ad in bwe jenaj elolo jikin an pād ippān ro nukwin.

Ālikin aer kawepene jikin jokwe eo am einwōt juon imōn alal/kakkoṅ ajiri, rijerbal eo ej kōmadmade keej eo (*caseworker*) an ajiri eo enaj wōnmanḷok wōt im iwoj ñan jikin jokwe eo emaroñ juon allen ilo juon allōñ. Enaj jāāke ajiri in im lolorjake bwe aolep ren mōman aer pād im loor karok ko an imōn ekajet eo. Rijipañ (*Resource worker*) eo am enaj bareinwōt iwoj ñan jikin jokwe eo am diktata emān (4) katōn ilowan juon iio ñan an lolorjake bwe imweo imōm ej loori wōt wāween ko im kakkien ko an laijen eo am.

Jejelā ke elap melele kein. Elaññe ewōr am kajitōk, jouj im kajitōk ippān rijerbal eo ej kōmadmade keej (*caseworker*) eo an ajiri eo nejūm ak rijipañ (*resource worker*) eo am. Etāer im nōmba ko aer remaroñ pād ilo itulal in pepa in. Renaj kanoj in mōnono in jipañ eok. Einwōt kwe, rej kōnaan kōmman jabdrewōt kain remaroñ kōmmane bwe ajiri eo eṅoiki ilo keej eo en pād ilo tiljek, emōnono, im ājmour ilo iien in epen ñan e.

*Kommol kin am maroñ kōmman oktak ilo mour eo an juon ajiri!*

Etan Rijipañ eo (Resource Worker Name)

Etan Rijerbal Eo An Keej Eo An Ajiri Eo (Child's Caseworker Name)

Nōmba in Talbon eo an Rijipañ Eo (Resource Worker Phone #)

Nōmba Eo An Rijerbal Eo An Keej Eo An Ajiri Eo (Child's Caseworker Phone #)